



Ollscoil Mhá Nuad

Lárionad na Gaeilge: Taighde, Teagasc & Tástáil Teagascóir Sinsearach Gaeilge, Páras (80% de chonradh lánaimseartha) (Conradh sainchuspóra)

An Ról

Tá Ollscoil Mhá Nuad tiomanta do straitéis ina bhfuil spriocanna bunaidh sin na hOllscoile, barr feabhais sa taighde agus sa scoláireacht agus oideachas den chéad scoth, fite fuaite ina chéile agus an meas céanna orthu.

Tá Teagascóir Sinsearach Gaeilge (80% de chonradh lánaimseartha) á lorg ag Lárionad na Gaeilge, Ollscoil Mhá Nuad lenár gcuid cúrsaí Gaeilge a mhúineadh sa Centre Culturel Irlandais (CCI) i bPáras na Fraince. Beidh an té a cheapfar freagrach do Stiúrthóir Lárionad na Gaeilge: Taighde, Teagasc agus Tástáil.

Príomhdhualgais

Beidh ar an Teagascóir Sinsearach Gaeilge tabhairt faoi pé dualgais a shonróidh an Ollscoil taobh istigh d'uaireanta oibre an chonartha, i sásamh Stiúrthóir Lárionad na Gaeilge. Féadfaidh na dualgais seo a leanas a bheith i measc na ndualgas sin, ach níl siad teoranta dóibh:

- Cúrsaí Gaeilge a mhúineadh, bunaithe ar shiollabais Theastas Eorpach na Gaeilge (TEG) ag na leibhéil seo a leanas: A1, A2, B1, B2, C1.
- Ábhar teagaisc a réiteach, a uasdátú nó a chur in oiriúint do na ranganna éagsúla agus a chur ar fáil do na foghlaimeoirí. Dul i gcomhairle le Stiúrthóir Lárionad na Gaeilge nó a (h)ainmní siúd maidir le forbairt agus uasdátú a dhéanamh ar na cúrsaí teanga.
- Anailís a dhéanamh ar riachtanais na bhfoghlaimeoirí, aiseolas fiúntach a chur ar fáil dóibh agus monatóireacht a dhéanamh ar an dul chun cinn a dhéanann siad;
- An t-ullmhúchán riachtanach go léir a dhéanamh chun go mbeifear in ann ábhar na gcúrsaí a mhúineadh, an fhoghlaim idirghníomhach a threorú, eolas a thabhairt agus ceisteanna na bhfoghlaimeoirí a fhreagairt.
- An obair riaracháin a bhaineann le mic léinn a chlárú, ábhar teagaisc a chur ar fáil, scrúduithe TEG, dianchúrsaí, bronnadh na dteastas, scoláireachtaí Gaeltachta, nó cúraimí eile riaracháin a thagann chun cinn.
- Tacú agus comhoibriú le foireann CCI chun an Ghaeilge a chur chun cinn agus a fhí isteach in imeachtaí, i gcumarsáid agus i scéimeanna cultúrtha an Ionaid.

Beidh ag an iarrthóir is oiriúnaí:

Critéir riachtanacha:

- Céim onóracha ar a laghad sa Ghaeilge nó in ábhar eile cuí;
- Ardleibhéal inniúlachta agus cruinnis sa Ghaeilge, idir scríofa agus labhartha (C1 TEG nó a chomhionann);
- Sárscileanna teagaisc. Taithí agus tuiscint ar theagasc na Gaeilge d'fhoghlaimeoirí fásta.
- Taithí ar a bheith ag dearadh ábhar teagaisc agus acmhainní foghlama, agus tuiscint ar an deachleachtas a bhaineann leis na réimsí sin;
- Sárscileanna riaracháin, eagrúcháin, cumarsáide agus idirphearsanta;
- Scileanna maithe ríomhaireachta.

Critéir inmhianaithe:

- Cumas cumarsáide sa Fhraincis agus/nó suim cur lena c(h)uid Fraincise;
- Tuiscint mhaith ar ghnéithe éagsúla de chultúr agus oidhreacht na hÉireann. Scileanna agus saineolas a rachadh chun tairbhe do chlár imeachtaí agus tograí CCI agus Lárionad na Gaeilge.

Dámh agus Institiúidí Taighde

Tá Dámh na nDán agus na nDaonnachtaí comhdhéanta de Ranna na Sean-Chlasaicí, na Staire, an Cheoil, na Fealsúnachta, Scoil an Léinn Cheiltigh, Scoil na Nuatheangacha, na Litríochtaí agus na gCultúr, Roinn an Bhéarla, Roinn Staidéar ar na Meáin agus an institiúid taighde, an Institiúid Ealaíon agus Daonnachtaí. Is é ról na Dámhe comhordú a dhéanamh ar ghníomhaíochtaí acadúla na rann éagsúil, maoirseacht a dhéanamh ar fhorbairt straitéiseach na rann agus tacú le gníomhaíochtaí agus le clár idir-rannacha. Tá roinnt institiúidí idirdhisciplíneacha ceaptha ag an Ollscoil freisin chun tacú le taighde den scoth agus chun cumas taighde a fhorbairt sna disciplíní ar fad.

Lárionad na Gaeilge: Taighde, Teagasc agus Tástáil

Is aonad de chuid Scoil an Léinn Cheiltigh é Lárionad na Gaeilge, a tháinig in áit Ionad na dTeangacha agus atá ag tógáil ar an obair cheannródaíoch a rinneadh san Ionad ar feadh breis is fiche bliain. Is é misean Lárionad na Gaeilge teagasc agus oiliúint teanga ar ardchaighdeán a chur ar fáil, a fhreagraíonn d'athruithe i gcomhthéacs an oideachais san Ollscoil féin, sa phobal a bhfreastalaíonn an Ollscoil air agus ar bhonn idirnáisiúnta.

Tá teist na nuálaíochta ar obair an Lárionaid ó bunaíodh é agus féachann muid i dtreo an dea-chleachtais idirnáisiúnta lena chinntiú go mbíonn an taighde, teagasc agus tástáil, atá mar chrann taca na hoibre, ar an gcaighdeán is airde.

I dteannta leis an teagasc teanga a dhéantar do Roinn na Nua-Ghaeilge, do ranna eile ollscoile, don fhoireann agus don phobal i gcoitinne, tairgeann an Lárionad an Dioplóma Iarchéime agus an MA san Aistriúchán agus san Eagarthóireacht (ar líne), an Teastas i Múineadh na Gaeilge (ar líne), an Dianchúrsa i Scríobh na Gaeilge (ar líne) agus Teastas Eorpach na Gaeilge (TEG). Is gné thábhachtach d'obair an Lárionaid na gníomhaíochtaí for-rochtana idir na cúrsaí ar líne thuasluaite agus ionaid scrúduithe TEG ar fud na hÉireann agus thar lear.

Is é Lárionad na Gaeilge ball na hÉireann san *Association of Language Testers in Europe* (ALTE) agus bronnadh Q-Mharc ALTE ar an Lárionad faoi dhó do scrúduithe TEG. Tá an Séala Eorpach Teanga bainte trí huaire ag an Lárionad. Chomh maith leis na cúrsaí agus na scrúduithe, cuirtear acmhainní d'fhoghlaimoirí Gaeilge ar fáil ar an suíomh www.snas.ie.

Bunaítear obair an Lárionaid ar an taighde agus an dea-chleachtas i réimse an mheasúnaithe teanga agus na teangeolaíochta feidhmí agus is gnách go dtógann muid tograí taighde ar láimh agus go gcuireann muid comhdhálacha ar siúl sna réimsí seo. Déanann muid measúnú teanga chomh maith do ranna acadúla eile in Ollscoil Mhá Nuad agus in ollscoileanna eile mar chuid de thograí taighde.

Centre Culturel Irlandais (CCI)

Tá dlúthbhaint stairiúil ag Ollscoil Mhá Nuad leis an Centre Culturel Irlandais. Bunaíodh Coláiste na nGael i bPáras na Fraince sa 16ú haois agus bhí sé ina lárionad léinn ag an Eaglais Chaitliceach san Eoraip go dtí gur cailleadh é i Réabhlóid na Fraince sa bhliain 1789. Is mar thoradh díreach air sin a bunaíodh Coláiste Ríoga Naomh Pádraig i Maigh Nuad in 1795. Rinneadh athchóiriú ar fhoirgneamh Cholaíste na nGael ag tús an 21ú haois agus osclaíodh arís é mar ionad cultúrtha sa bhliain 2002. Tá Lárionad na Gaeilge ag comhoibriú leis an Centre Culturel Irlandais ó bhí 2005 ann, chun cúrsaí Gaeilge a chur ar fáil san ionad, le tacaíocht ón Roinn Turasóireachta, Cultúir, Ealaíon, Gaeltachta, Spóirt agus Meán. Bíonn os cionn 60 foghlaimoir ag freastal ar na cúrsaí sin gach bliain.

An Ollscoil

Is ollscoil faoi leith í Ollscoil Mhá Nuad, institiúid choláisteach atá dírithe ar na daonnachtaí agus ar na heolaíochtaí sóisialta, ar an eolaíocht agus ar an innealtóireacht, chomh maith leis an taighde, an teagasc agus an rannpháirtíocht sa phobal. Tá an Ollscoil suite i Maigh Nuad, an t-aon bhaile ollscoile in Éirinn, agus cuireann stair agus oidhreacht uathúil an bhaile go mór le carachtar agus le féiniúlacht na hinstitiúide. Cuirtear oideachas ar ardchaighdeán ar fáil do bhreis is 15,000 mac léinn ar an gcampas, áit a bhfuil stair an 18ú haois agus nuálaíocht an 21ú haois araon ag baint léi.

Ó bunaíodh Ollscoil Mhá Nuad mar ollscoil phoiblí neamhspleách 25 bliain ó shin, tá forbairt shuntasach straitéiseach agus éachtaí as cuimse déanta aici, rud atá ina údar iontach mórtais ag baill foirne, ag mic léinn, ag céimithe agus ag pobal na hOllscoile araon. In 2024, aithníodh Ollscoil Mhá Nuad i measc an 90 ollscoil óg is fearr ar domhan, nuair a tháinig sí sa 86ú háit de réir Times Higher Education (THE).

Tá an dea-cháil atá ar Ollscoil Mhá Nuad ar fud an domhain bunaithe ar roinnt gnéithe; ina measc, nuálaíocht, ardchaighdeán, tábhacht agus tionchar a cuid taighde agus scoláireachta; an tiomantas don oideachas agus don fhoghlaim; caighdeán na gclár acadúil; agus an cheannaireacht atá léirithe aici chun an rannpháirtíocht san ardoideachas a leathnú. Is iad tiomantas na mball foirne agus fuinneamh agus rannpháirtíocht na mac léinn is cúis leis an rath seo atá ar an Ollscoil.

Is áit í Ollscoil Mhá Nuad a bhfuil roinnt codarsnachtaí ag baint léi; institiúid nua-aimseartha í atá ag fás go tapa, agus í dírithe ar an taighde agus í rannpháirteach i sochaí an lae inniu, ach tá sí fréamhaithe freisin sna buanna acadúla agus sna traidisiúin léinn a bhaineann léi go stairiúil. Cuireann an Ollscoil réimse leathan clár fochéime, iarchéime agus dochtúireachta ar fáil do bhreis is 15,000 mac léinn sna daonnachtaí, san eolaíocht agus innealtóireacht, sna heolaíochtaí sóisialta, lena n-áirítear an gnó, an dlí agus an t-oideachas, chomh maith le cláir agus comhpháirtíochtaí idirnáisiúnta.

Cothaíonn an cultúr uathúil comhghleacúil atá le fáil in Ollscoil Mhá Nuad cur chuige idirdhisciplíneach i leith an taighde, cur chuige a chuireann ar chumas na foirne acadúla dul i ngleic le cuid de na dúshláin is mó atá le sárú ag sochaí an lae inniu. Daingníonn institiúidí agus ionaid taighde na hOllscoile tionchar na

hoibre sin, trí phobail bhríomhara foghlama, fionnachtana agus chruthaitheachta a chothú. Bíonn an taighde ag croílár an teagaisc san Ollscoil freisin, agus is ábhar bróid don Ollscoil é go bhfuil an taighde agus an teagasc ar comhchéim san institiúid.

Prionsabail agus luachanna

Léiríonn ár luachanna cé muid féin, cén rud a gcreideann muid ann agus conas a iompraíonn muid féin mar phobal. Is orthu sin a bhraitheann an rath a bheidh orainn amach anseo, na hionchais atá againn dúinn féin agus dá chéile. Baineann ár luachanna le gach duine i bpobal na hOllscoile:

- Ionracas
- Comhghleacaíocht
- Freagracht
- Saoirse cainte
- Uaillmhian

Plean Straitéiseach Ollscoil Mhá Nuad 2023 - 2028

Tógann Plean Straitéiseach na hOllscoile 2023 - 2028 ar ár stair acadúil shaibhir agus ar ár mbunchlocha láidre chun conair uaillmhianach agus cheannródaíoch a leagadh amach do thodhchaí ár nOllscoile. Soiléiríonn an treochlár seo ár dtiomantas do dhul i dtaithe ar dhomhan atá ag síorathrú agus ár ngníomhaíochtaí a chur in oiriúint dó, agus san am céanna a bheith dílis dár luachanna Ollscoile. Is í an fhís atá againn a bheith mar ollscoil feabhais, deiseanna agus tionchair, agus lámh láidir a bheith againn i ngach ceann de na trí ghné seo.

Léigh anseo le haghaidh breis eolais faoi thodhchaí Ollscoil Mhá Nuad:
<https://strategy.maynoothuniversity.ie/?lang=ga>

Roghnú agus Ceapadh

- Ní thabharfar cuireadh chun agallaimh ach d'iarrthóirí a n-éireoidh leo an gearrliosta a bhaint amach;
- D'fhéadfaí iarraidh ar na hiarrthóirí a dtabharfar cuireadh chun agallaimh dóibh scrúdú teanga agus/nó cur i láthair gairid a dhéanamh;
- Ceadóidh an tUachtarán ceapacháin bunaithe ar thuairisc an bhoird roghnúcháin;
- Tá sé i gceist na hagallaimh a reáchtáil i mí Lúnasa 2025;
- Táthar ag súil go mbeidh feidhm leis an gceapachán ó 1 Méan Fómhair 2025, nó a luaithe agus is féidir ina dhiaidh sin.

Comhionannas agus Éagsúlacht

Tá Ollscoil Mhá Nuad tiomanta do bheith ina hinstitiúid a chothaíonn comhionannas, a thugann meas agus luach don éagsúlacht, agus a chuireann an ionchuimsitheacht chun cinn. Chun tuilleadh eolais a fháil ar ár dtiomantas don Chomhionannas agus Éagsúlacht, féach ar na polasaithe seo a leanas: [Polasaí Comhionannais agus Éagsúlachta](#) Ollscoil Mhá Nuad agus ár bpolasaí maidir le [Employment of People with Disabilities](#) agus ár [Gender Equality Action Plan 2023-2026](#).

Téarmaí agus coinníollacha

Téarma an chonartha	Is conradh páirtaimseartha 0.8 FTE é seo, .i. 80% de chonradh lánaimseartha/ 4 lá sa tseachtain le linn na bliana acadúla. Is conradh sealadach sainchuspóra é seo. Baineann sé le dhá bhliain acadúla: 1 Meán Fómhair 2025 go 30 Meitheamh 2026 (10 mí) agus 1 Meán Fómhair 2026 go 30 Meitheamh 2027 (10 mí)
Tuarastal	Íocfar tuarastal ar scála an Teagascóra Sinsearach Ollscoile (€57,879 - €65,154, 4 phointe), pro rata do phoist pháirtaimseartha. De réir fhorálacha pá na hearnála poiblí a dhéanfar ceapacháin ar an scála thuas.
Uaireanta oibre	Tá seachtain oibre 37 uair an chloig i bhfeidhm maidir le poist lánaimseartha (pro rata do phoist pháirtaimseartha, .i. 29.6 uair an chloig sa tseachtain don chonradh 0.8 seo). D'fhéadfaí athbhreithniú nó coigeartú a dhéanamh ar na huaireanta hoibre seo ó am go ham, bunaithe ar chomhaontuithe náisiúnta. Is sa tráthnóna a dhéanfar an teagasc a bhaineann leis an ról seo.
Áit	Is é an áit oibre a bhaineann leis an gconradh seo ná Centre Culturel Irlandais i bPáras.
Saoire bhliantúil	Tugtar saoire bhliantúil agus laethanta saoire poiblí de réir pholasaí na hOllscoile: https://www.maynoothuniversity.ie/human-resources/policies/annual-leavepolicy Tugtar saoire bhliantúil ar bhonn pro rata i gcás poist pháirtaimseartha agus shealadacha.
Polasaithe agus scéimeanna Ollscoile	Beidh fostaithe de chuid na hOllscoile faoi réir pholasaithe agus scéimeanna na hOllscoile, atá ar fáil ar shuíomh gréasáin na hOllscoile ag: https://www.maynoothuniversity.ie/university-policies https://www.maynoothuniversity.ie/human-resources/policies
Pinsean	Is post inphinsin é seo. Glacfaidh fostaithe de chuid na hOllscoile páirt i scéim pinsin don eanáil phoiblí. Tá sonraí maidir leis na scéimeanna sin ar fáil ag: https://www.maynoothuniversity.ie/human-resources/pension-information

Incháilitheacht	Fáiltítear roimh iarratais ó shaoránaigh neamh-LEE. Ba chóir d'iarratasóirí a thabhairt faoi deara gurb í an Roinn Fiontar, Trádála agus Fostaíochta a rialaíonn incháilitheacht. Tá tuilleadh eolais maidir le hincháilitheacht ar fáil ag: https://enterprise.gov.ie/en/what-we-do/workplace-and-skills/employmentpermits/employment-permit-eligibility/ Tá iarratasóirí neamh-LEE freagrach as a chinntiú gur féidir leo víosa a fháil chun taisteal go hÉirinn. Tá aon tairiscint fostaíochta ag brath ar iarratasóirí na ceadanna fostaíochta cuí a fháil. Iarfhostaithe de chuid Sheirbhís Phoiblí na hÉireann - Srianata Áirithe ar Cháilitheacht D'fhéadfadh go gcuirfí isteach ar incháilitheacht iarratasóirí a bhí fostaithe roimhe seo ag eagraíocht de chuid Earnáil Phoiblí na hÉireann, agus a bhain leas as Scéim Iomarcaíochta de chuid Sheirbhís Phoiblí na hÉireann nó Scéim Dreasachta Scoir faoi na Scéimeanna thíos: • Comhaontú Comhchoiteann: Íocaíochtaí Iomarcaíochta le Seirbhísigh Phoiblí • Scéim Dreasachta um Luathscor (ISER) • Ciorclán na Roinne Sláinte agus Leanaí (7/2010) • An Roinn Comhshaoil, Pobail & Rialtais Áitiúil (Ciorclán LG(P) 06/2013) Ba cheart d'iarratasóirí a chinntiú go bhfuil siad i dteideal a bheith fostaithe arís i Seirbhís Phoiblí na hÉireann faoi théarmaí Scéimeanna dá leithéid. Ba cheart d'iarratasóirí ceisteanna faoi seo a chur faoi bhráid a gcuid iarfhóistoirí in Earnáil Phoiblí na hÉireann.
Grinnfhiosrúchán Garda	D'fhéadfadh go mbeadh grinnfhiosrúchán nó imréiteach Garda ag teastáil ón Ollscoil.
Scrúdú leighis	D'fhéadfadh go mbeadh scrúdú leighis ag teastáil ón Ollscoil mar choinníoll fostaíochta.

Dlí Cosanta Sonraí

Déanfaidh Ollscoil Mhá Nuad próiseáil ar shonraí pearsanta a thugann tú mar chuid de d'iarratas ar an ról seo de réir Pholasaithe Cosanta Sonraí na hOllscoile.

Le tuilleadh eolais a fháil faoi Pholasaithe Cosanta Sonraí agus Fógra Príobháideachais na hOllscoile, féach ar ár suíomh gréasáin: <https://www.maynoothuniversity.ie/data-protection>

Treoracha iarratais

Dáta deiridh:

23:30 (am na hÉireann) **Dé Luain, 11 Lúnasa**

Ní mór iarratais a dhéanamh ar an bpost trínár **dTairseach Earcaíochta ar Líne** ag an nasc seo a leanas:
<https://www.maynoothuniversity.ie/human-resources/vacancies>

Caithfear iarratais a chur isteach faoin dáta deiridh agus faoin am a shonraítear thuas. Cealóidh an córas go huathoibríoch iarratais atá fós idir lámha ag an am deiridh ar an dáta deiridh sonraithe.

Ní ghlacfar le hiarratais mhalla.

Is fostóir comhdheiseanna í Ollscoil Mhá Nuad

Tá an post seo faoi réir Reachtanna na hOllscoile